

三代寶貝錄

三十九
四十

農商務省
和圖書
第一號
共三冊

太政官文庫
和書門
八二〇三
三〇三
三〇
類號函架冊

內閣文庫
和書
八二〇三
三〇三
一三八
類號冊架

| | | |
|------|----|-----------|
| 內閣文庫 | 番號 | 和 8203 |
| | 冊數 | 30 (23) |
| | 函號 | 137 165 |

六
和史



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



日本三代實錄第三十九起元慶五年正月盡六

左大臣從_レ行左近衛大將藤原朝時等奉_レ勅撰

五年春正月庚戌朔 天皇不受朝賀諒闇也七

曜曆付内侍奏藏氷厚薄不奏以去冬不沒寒凌

室空虚也親王公卿侍左仗頭内酒殿進醇醲侍

從厨進菓子是日撤却太政官候廳茵疊施倚子

床子復常 三日壬子太政大臣抗表 六日乙

卯 勅曰 先帝託六尺之孤寄四海之命之本

情三讓高平萬機多權宜屈獨善之心俯諸百官

三代實錄卷三十九

之聽是日无品慧子内親王薨不任縁葬諸司以
喪家之辭也輟朝三日内親王者文德天皇之
女母從五位上藤原朝臣是雄之女也酉時地震
七日丙辰節會停止不覽青馬 太上天皇五
七遣從七位上守左兵衛權佐兼尾張守藤原朝
臣高藤尉一人府生一人於東大寺從五位下行
左馬助安倍朝臣三寅允一人史生一人於興福
寺各齋調布百五十端修轉念功德用穀倉院布
也明日正當五七避重日故今朝修之 太上天

皇御頭陀歷覽山城國粟田貞觀海印大和國東
大寺香山神野法輪現光龍門比蘇大瀧摸津國
勝尾丹波國水尾十三箇寺清和院分遣使者別
修功德其觀用院物也 八日丁巳大極殿齋講
以藥師寺僧法相宗傳燈大法師位隆光為講師
不舉音樂諒闇也 十一日庚申地震 十二日
辛酉地震 十四日癸亥地震大極殿齋講畢停
引名僧論議之儀 十五日甲子勅進正二位守
太政大臣藤原朝臣基經爵加從一位太政官下

符山城攝津等國備前伊勢齋內親王來二月二
十二日首途自大和道經山城河陽宮到攝津難
波海解除而後可入都凡其供奠依例准攝除目
云云太政大臣家令外從五位下菅原朝臣永津
為主殿權助四品中務卿惟彥親王為上野太守
中務卿如故左近衛權少將正五位下藤原朝臣
是比為守少將如故 十六日乙丑地震 十七
日丙寅停射禮 十八日丁卯停賭射諒闇也
十九日戊辰太政大臣抗表云云佐以今月十五

日蒙授從一位云云 勅答曰云云宜上奉先
皇帝之聖旨下叶予一人之悃懷欽承徃命用新
後章縱雖百上不欲一從公宜悉之下符山城大
和伊賀伊勢等國備前伊勢齋內親王入京陪從
二百十九人宜行宮飲食乘馬擔夫辨設供給又
下知河內攝津兩國備前齋內親王擬出神宮從河
陽宮取水路赴難波宮依例三處祓除每處經一
日即便取三嶋道還向河陽宮其陪從一百人檢
校并奉迎等使六十二人酒食夫馬等類事祇

三行實錄卷三十九 三

供時屬諒閣菓用魚鳥 廿二日辛未 太上天

皇七之設齋於圓覺寺王公畢會 廿三日壬申

絹二百四疋調布三百六端賜齋官寮充命婦女

孺等入京裝束斷 廿五日甲戌日晚有狐登居

美福門東鷄尾上 廿六日乙亥令淡路國乘田

穀額四萬六千四百三十六束勘益田二百三十

五町載稅帳以前守外從五位下伴連貞宗申請

也 廿七日丙子大雨雪大風夜東京有火延院

人居六家 廿八日丁丑大雨雪去久氣溫無宿

雪今春多雪寒氣肅烈屋溜垂澌長尺餘是日建

散位從四位下恒基王左少辨正五位下兼行大

學頭巨勢朝臣文雄等齋輦輿腰輿資具等向伊

勢太神宮迎前齋內親王令山城大和伊賀三國

充夫八十人擔夫輦輿等物迎送前所是月諸衛

陣多恠異右近衛陣大將以下將曹已上座狐頓

遺屎府掌下毛野安世宿侍陣座狐溺其上左近

衛府生佐伯安雄劔胡篠等緒有鼠嚙斷而將去

近衛笠吉人胡篠緒為狐所嚙去人執而引之狐

猶不放遂嚙斷而將去左兵衛陣有狐嚙所納之
釵而遁走兵衛等追得取留右兵衛陣官人釵胡
錄等緒數為鼠所嚙又東京一條兒童數百會聚
相闘作戰陣之法若成人之為也 二月己卯朔
日有蝕之 三日辛巳地震是日於建孔門前修
大被 四日壬午祈年祭如常外從五位下行天
文博士中臣志斐連安善卒安善者云云 八日
丙戌中納言兼行右近衛大將皇太后宮大夫陸
奧出羽按察使藤原朝臣良世奉表云云願假臣

后宮之一官_ヲ收_メ臣_ノ内外之三郎不聽之 九日丁
亥停釋奠之礼諒闇也未時四刻 帝遷自常寧
殿御清凉殿太政大臣自拜職之後退居里第頻
上讓表不視事是日入謁 帝清凉殿彈正基言
基印為偷兒所盜取也 十一日己丑公卿於太
政官曹司廳列見文武官六位已下成選者宜制
如常是夜園禰神祭如常不歌緣諒闇也 十四
日壬辰投左近衛少將正五位下兼行伊豫權介
藤原朝臣有實從四位下式部大丞正六位上藤

原朝臣繼蔭文室朝臣長省民部大丞藤原朝臣
 崇幹右衛門大尉藤原朝臣正範兵部大丞多治
 真人守善大外記大春日朝臣安名等並從五位
 下左大史正六位上興道宿祢春宗外從五位下
 十五日癸巳除自五十三人 十九日丁酉制
 令太宰府進公解處分帳先是民部省言主稅寮
 解備謹案式府公解百萬束管內諸國各有舉數
 而去美和五年六月二十一日格曰府公解雖有
 未納以正統全給若當國正統減少者管內相通

行之者因茲府司減彼增此或國所行其數無定
 所司須惣勘管國統帳辨知通行之物數而事有
 參差無由據勘何者管國統帳相共不下或國總
 勘負觀手中或國天安以降未勘仍減甲國加之
 國之由從經年序不能勘知隨辨掌到責其違式
 追以勘出然而時遷人替更無如何又承和十四
 年十月十四日格云有貢物鹿忍違期未進查府
 司公解四分之一者至有如此之急准格應役公
 解而不進其帳无由勘役勾勘之吏事似未慥望

請每年令進府司公廨處分帳以備勘會從之
廿一日巳亥太政大臣拜職之後日讓上表其間
太政官奏事多難公卿議定令辨大夫就太政大
臣直廬以職院為直始自度政此後為例割伊勢國正
稅一萬束付太神宮司每年出舉以其息利修理
齊宮雜舍 廿三日辛丑地震備後國司言此國
依格割公廨十分之一為國儲充四度使雜掌
等糧掌若不足通用他色故還成煩望請四箇年
之開割十分之二以為國儲 詔聽之 廿六日

甲辰出羽國雄勝平鹿山本三郡百姓復調庚一
年 三月巳酉朔 三日辛亥御齋停止諒闇也
七日乙卯散位從五位上陽侯忌寸永岑言石
見國美濃郡都茂鄉九山巖石崢嶸系締數十里
銅工膳伴案麻呂真髮部廣世等言曰此山出銅
仍採磐石試以鼓鑄遂得真銅於是 勅遣木工
少屬從七位上紀朝臣真房史生從八位上真髮
部安雄等檢察焉 八日丙辰除日二十四人
十一日巳未 勅清和院大浦庄墾由二十八町

五段百八十九步在近江國淺井郡依院牒狀永
 施捨延曆寺文殊樓七軀大聖文殊并五佛燃燈
 修理等斷浮囚浪人同以掌充宜令國司專當其
 事 十三日辛酉 勅曰山城國愛宕郡栗田院
 元是太政大臣藤原朝臣之山莊也 太上天皇
 赴其清閑暫駐仙蹕遂於此地出家落飾仍為道
 場額曰圓覺寺今橋山漸遠弓劔无追拜爵臺而
 慕襟望鶴樹而縻滂昔周人之思邵伯愛其甘棠
 漢國之仰摩騰崇其精舍彼一臣一僧猶尚如此

况聖跡所存何不尊重且特為官寺以傳遐年即
 日領下山城國令牧宰知之中納言良世抗表停
 臣將帥各選以英能之士優 詔不許 十四日
 壬戌太宰府言肥前介外從五位下笠朝臣宗雄
 解俸須依仁壽三年五月五日格校由言上待報
 班給而此國僻在海西行程稍遠先申於府府更
 言上教手之後報符及以來國更秩終不更班給
 延引如斯既及四十年調物欠少戶口減損物以
 在此望請擬准後豐後兩國之例不待報符申

府班給百姓口分由但至今有益格條自存又乘
田之數依例割置之詔從之秩滿解任之人手
臣子孫之輩結黨群居同惡相濟終以陵轍百姓
奪佃糧不受官稻出舉私物收納之時好妨公事
欠負之源自此而出非嚴新符何肅舊濫望請准
之筑後國例不論前司浪人准當田數班給正稅
并令佃公宮由一如土民若有勢之人不順此事
者追却部內不能居住太政官處分依請焉遠江
國磐田郡山裡帳外浪人一百人寄行施藥完身

役之成輸紙送院 廿一日己巳夜有星出自房
入天市色青 廿三日辛未賑給京師飢窮病困
不能自存者 廿六日甲戌先是出羽國司言太
政官去年六月十六日下國符俾彼國解備兵士
鎮兵惣一千六百五十人鎮兵六百五十人每人
充日糧一升六合或二城兵士一千人每人充日
糧八合分結六番直於國府而承前國吏以健兒
為戎兵士鎮兵无置一人仍令諸郡進勇敢者但
鎮兵者舊有長上之新无煩調練兵士千人給長

上之糧一府二城以備非常請三箇年將蒙許聽
 勅聽二箇年而今年十二月滿限始自明年復
 舊望請重被許二箇年 勅聽一年是日制令五
 畿七道諸國諸神社祝部氏人本系帳三年一進
 夏四月戊寅朔停孟夏之宴諒闇也親王公卿
 侍伏下造酒司侍從厨聊進酒饌 三日庚辰山
 城國愛宕郡八條野尻里空閑地五段 勅充圓
 覺寺 四日辛巳地震阿波國那賀郡人從七位
 上棕部夏影從八位上棕部吉麻呂從八位下棕

部安成并白丁十九人復本姓曾祿連 八日乙
 酉於清涼殿灌佛其儀如常 九日丙戌先是去
 七日依例式部兵部二省可奏成選短冊公卿謝
 病不上故其儀不行是日大納言源朝臣多召式
 部大輔藤原朝臣春景兵部少丞大江朝臣玉淵
 宣告於省可行之狀 十五日壬辰於太政官
 曹司廳賜文武官主典以上成選位記策命如常
 十九日丙申諸衛整固以明日賀茂祭也 廿
 日丁酉賀茂祭內藏權頭從五位上兼行讚岐介

良岑朝臣晨直奉承祝詞向社宣旨其祝詞尾曰

辭別申久前年今進禮齊王波重喪今遭留依

天退出志支今須波諒閣波天後占定天進天其

間波皇我朝廷乎平安良幸賜比護賜倍申

賜波久申廿五日壬寅太政大臣抗表曰停臣

新職復臣舊班帝優詔不聽左近衛少將藤

原朝臣有實於枇杷第返表申旨出羽國元慶二

年夷虜所燒盜穀類三十二萬五百一束六把八

分六毫補七百五十斛革短甲三百三十七領曹

五百三十二枚鐵鉢一百五十七枚革鉢五十枚

木鉢三百二十六枚箭八千三百八十隻大角六

枚小角八枚鼓六十面大刀五十五柄弓七十一

張鐵鈎五十五柄弩二十九具手弩一百具鉄一

十三柄鉞八柄楯五十二枚槍一百八十一竿鎌

槍七十三竿鯨尾槍一百八竿官舎一百六十一

宇城槽二十八宇城棚槽二十七基塙棚槽六十

一基是日有勅免除以省交替之煩廿八日

乙巳先是去年四月八日大膳史生矢田部氏永

奸私作諸司叔文偷取淡路國並代米五十斛餘
自此奸作備前讚岐等未叔文之事發露出納諸
司坐此事下獄者衆而十二月四日大赦天下皆
得出獄少監物從六位下藤原朝臣安養今年二
月十五日左遷備後權掾民部大錄正六位上國
瀨十一也同日左遷安藝權掾主計大允正六位
上水○宿祢康宗三月八日左遷越中權掾中務
少錄從七位下大石林繼成同日左遷豐前權大
目中務史生從八位下坂本臣勝守為下總史生

民部史生大初位下船連福雄為紀伊史大初位
下珍努縣主三津雄為叅河史生主計史生從八
位上置始連繩繼為隱岐史生從六位下膳臣常
道為伊豆史生皆是同坐在降大膳史生正八位
下矢田部氏永赦前死於獄中彼月不書故追記
之五月戊申朔二日巳酉是日制以下野國
准大國例免三十九戶損貞觀十二年十二月二
十五日壬子諸國損戶課丁與得丁同率三日
庚戌授陸奧蝦夷譯語外從八位下物部斯波連

永野外從五位下。五日壬子停端午之節諒闇也。播磨國正六位上英賀彥神英賀姬神並授從五位下。九日丙辰河內國高安郡人右近衛元位常澄宿祢藤枝右近衛常澄宿祢常主位子元位常澄宿祢季道无位八戶史善賜姓高安宿祢去元慶三年藤枝等父並改本姓賜高安宿祢藤枝等脫漏不戴官符故追賜之制拘留不輸義倉三位以上家司季祿先是左京職言大同四年四月廿日格曰五位以上不進義倉宜留封祿其

名移送式部民部弘仁十一年閏正月二十一日格曰封祿義倉其率懸隔以少奪多事乖寬恕以其祿物准輸穀倍而割留者貞觀九年四月二十日格曰依太政官去貞觀六年五月三日行當年未進交名來年三月一日移送三省其後所進義倉却不收人成愁苦物致欠少宜准諸國庸未進之例隨進勘納之又不進去年義倉進者不得給當年位祿者自亦以降未進交名不更移送徒送年月空待追納而未進之輩每年有數

納之吏常煩交替望請去年義倉當年七日以前
不輸者三位已上八月一日移式部省抑家可季
祿四位已下十月一日錄名申官留其位祿云在
前給者拘後年新勅三位以上依請但四位已
下仍舊行之右京職亦復准此十一日戊午大
政官下符山陽南海二道諸國備如聞近者海賊
成群殺略諸人公私之物多致掠奪往歸之類
被侵害斯則國宰不勤督察之所致也宜且追捉
之五畿內國送調帳一通於穀倉院十二日庚

申地震勅遣左衛門少志從六位下紀朝臣貞
城府生正七位上宍太日佐門繼右衛門府生從
七位上善友朝臣益友從八位下阿乃連良繩左
右火長十人向山城攝津播磨等國追捕海賊
十六日癸亥午時日有二重暈內黑外赤參議從
三位行右衛門督兼播磨權守源朝臣勤菟勤者
嵯峨太上天皇之子母大原真人與從一位左
大臣勳同產也云云六月丁丑朔勅停廢採
山城國因田銅使其屋舍竹器付國令守護讚岐

國言上損田其數巨多勸返二千町 八日甲申
 霹靂於西京右辨官史生若倭部常世宅兩女被
 震不克 九日乙酉故左大臣源朝臣信男尋賜
 姓春朝臣先是散位從四位下源朝臣平從四位
 下行大和守源朝臣泰散位從五位下源朝臣保
 等言唐天宝朱愚世謂見廢父大臣而不為子削
 除系譜為父之道猶憐不肖願復之恩更命召之
 尋身在外處即時不諧其後未幾大臣薨殂平等
 孔懷之意愍尋之無姓氏望請賜姓春朝臣編之

二十一日
 下有
 關文

本坊 詔許之 十一日丁亥月次神今良祭亦
 於神祇官行事 十四日庚寅自今月朔霖雨至
 今未止是日賑給京師困乏者 廿一日 廿三
 日巳亥兵庫自鳴 廿五日辛丑地震 廿七日
 癸卯近江國司言堯係祿新正稅穀五十斛每半
 言上待符充給若過時不賜歸致其愁望請不經
 上奏及時給之永以為例 勅許之 廿八日甲
 辰出羽國言去元慶二年百姓為賊所殺者九十
 九人請除籍帳民部省勘會籍帳三十人不載

帳仍除六十六人。廿九日乙巳授播磨國從四位下勳八等伊和坐大名持御魂神正四位下。

日本三代實錄卷第三十九終

日本三代實錄卷第四十起元慶五年七月盡十二月

左大臣從二位兼行左近衛將臣藤原朝臣時平等奉勅撰

秋七月丁未朔七日癸丑有星出自列星入犯

心中夾星色赤長一丈餘十三日己未伴中庸

男元孫禪師麻呂遷配石見國先是因幡介從五

位下是主玉言中庸等自隱岐國致此申牒云貞

觀八年配流隱岐國去年十二月四日恩赦彼國

司移歸向本貫者獄令云流人至配所六載之後

聽仕注曰其曰及逆免死配流不在此例中庸身

犯大逆降死配流自非
勅喚何得言歸隱岐國
司不熟法意輒令放免
勅特降恩喚便遷石見
下符回幡國備凡人到於配所貫附籍帳刑科究
盡更無會赦隱岐國司誤促放免當國抑留錄狀
言上論之朝憲可謂明慎令條譴責隱岐國司
曰不曉法禁輒放流人牧宰之任委付惟重既無
奉法之能寧叶分憂之寄特覃春仁莫處秋典
京城國官由二十町河內國四十町播津國
六十步播津國三十六町二段二百六十步給左

京職山城國官由二十町河內國四十町播津國
四十町給右京職兩職尉斷以職享由每年治用
今年無職悉何一箇年間給官由令充之
十五日辛酉令飛驒國裁匠十四人貢六十一人作朝
堂院神泉苑之間自去貞觀十八年令貢百人今
作事既畢故減之
十六日壬戌除自二十四人
從五位上守右近衛少將兼行播磨介藤原朝臣
清經為備中守少將如故
十七日癸亥越前國
丹生大神坂井等郡田地六百一町九段百五十

八步依天平勝室元年四月一日詔旨令興福寺
領得但天平勝室元年以前為公由之類雖在四
至之內不聽領之 廿二日戊辰 勅白米一百
斛黑米一百斛送圓覺寺以充造佛道與縫綾灌
頂二具等祈 廿三日己巳有白鷺一集太政官
曹司廳版位上 八月丁丑朔日有蝕之 十一
日丁亥停釋奠諒闇也 十四日庚寅加賀國言
太政官去六月二十九日下當道符備比日兵庫
有鳴著龜告云北境來乘可有兵火自秋至冬宜
慎守禦者謹檢去弘仁十四年分越前國置加賀

國其後五十八年未備非常伏望請被給官庫甲
冑以備非常自餘兵器國宰將作者 勅甲冑宜
令國宰作焉 十五日辛卯每季春仲月講演仁
王般若經其斷用國儲救兼等之色望請改用國
分寺新稿內一千五百一十五束四把七分二毫
宛其斷 勅許之 廿日丙申去六月停採山城
國岡田銅事採銅使正六位上巨勢朝臣文主返
進伊賀國庸米三百八十斛七斗五升五合以伊

十四日 庚寅一 條當入 前十四 日庚寅 中殿第 二十日 次有此 一條別 十四日 庚寅蓋 二十四 日庚子 之誤欲 下次二 十三日 巳亥者 上下均 置也

賀國庸米充採銅之資糧故也從四位下芳子女
 王卒 十四日庚寅先是出羽國司言去元慶元
 年穀稼多損調庸不備二年歲虜及叛國內騷擾
 義從俘囚及諸郡囚徒并渡嶋狄等或疲於倣戎
 或募化遠來開用不動穀三千二百三十七斛五
 斗以充大饗不先言上責在牧宰至是勅免除
 廿三日己亥 勅以山城國葛野郡二條大山
 甲地三十六町為大覺寺地其四履東至朝原山
 西至觀空寺并栖霞館東路北至山嶺自餘山野

入嵯峨院四至者皆為公地若有稱空閑申請者
 一切不得 勅許但樵薪之輩不在制限 廿六
 日壬寅制定伊勢太神宮大宮司一員正六位上
 階小宮司一員正七位上階先是神祇官言太神
 宮司元置從六位階一員而去員觀十二年加置
 一員大小無別職掌不分同稱受領文為爭論望
 請定置大小員遷代之日分付受領一准長官任
 用者 勅聽之 九月丙午朔 三日戊申停御
 繫齋燒燈 九日甲寅停重陽之節諒闇也 十

六代實錄卷四下

一日丙辰遣散位從五位上興我王神祇大副從
五位上大中臣朝臣有本等奉幣於伊勢太神宮
發自神祇官諒闇也 十三日戊午先是遠江國
司言前司時燒亡官舍二十五宇倉一百四宇交
替之日不輒言上放還既經言上而前司會去年
十二月四日恩赦被放免訖望請除弁將脫後累
但除弁倉屋材木加修所遺之倉舍太政官商量
依請焉 十九日甲子地震 廿日乙丑亦震
廿一日丙寅二度震 廿六日辛未遠江國稻二

千束近江國穀二百斛美濃若狹出雲美作四箇
國稻各二千束備前穀二百斛播磨二百斛阿波
二千束伊豫三千束施興福寺以充造鐘樓僧房
新並通用二寶施新稻穀 廿七日壬申山城國
葛野郡標原鄉野地三町賜興福寺傳燈大法師
位修審先是修審申牒此地元嵯峨院四至之內
也貞觀六年申督淳和院建立道場定大覺寺四
至之日還為公地基業已成不獲移去請所分者
詔賜之 冬十月丙子朔停孟月之宴諒闇也

親王公卿侍從仗下造酒司侍從厨聊進酒饌
 三日戊寅相模國國分寺金色藥師太六像一躰
 挾侍菩薩像二躰元慶三年九月二十九日遭地
 震皆悉摧破其後火燒損望請改造以修御願又
 依太政官去貞觀十五年七月二十八日符以湧
 河寺為國分尼寺而同日地震堂舍頽壞請仍舊
 以本尼寺為國分尼寺 詔並許之 六日庚辰
 夜地震 八日壬午地震 九日甲申授飛驒國
 從四位下水元神從四位上從五位下氣多若宮

神從五位上正六位上賀茂若宮神從五位下信
 濃國正六位上池生神御廐中央御玉神並從五
 位下 十日乙酉遣左近衛元位早部連助雄小
 治田宿祢春雄奏忌寸常吉日置部公枝雄向陸
 奥國為左近衛權少將兼守平朝臣季長隨身其
 食新季祿以國庫物給之 十三日戊子是日頒
 下所司曰元品高丘親王志深真諦早出塵區求
 法之情不遠異境去貞觀三年自辭當邦問道西
 唐乘查一去飛錫无歸今得在唐僧中瑾申狀備

親王先過震且欲度流砂風聞到羅越國逆旅遷
化者雖薨背之不記而審問之來可知意親王者
平城太上天皇之第三子也母贈從三位伊勢
朝臣繼子正四位下勳四等老人之女意云十
五年親王男大和守從四位上在原朝臣善淵前
肥後守從五位上同安貞等上表請親王入唐後
多歷年序取朝之期已過存亡之分難決而偏准
平常猶受封邑靜而思之悚兢難耐伏望早被返
叔將免謗議勅存亡難卜何許來請悉親王身

殞中途神馳半月昔為千乘之皇儲今作單子之
旅魄彼菩提之求何必出戶元厭世心深甚哉苦
行親王始登震坊世人號曰蹲居太子雖見廢非
其罪而理有必至靡可顧防豈天意乎豈人事乎
何媿廢之傷化而俗談之如期書曰牝雞之晨惟
家之索信而有徵歟十四日巳丑禁男女着茜
紅花交洙支子之色不論淺深無聽服用以其色
涉淺黃丹也十六日辛卯太政官處分依請大
和國城上郡從一位勳八等宗像神社准筑前國

本社置神主以高階真人氏人為之太政官奏右
京人宮門有常故殺有道今出磨備中國窪屋郡
人真髮部成道故殺大市貞繼檢非違使覆案奏
有常等罪當斬刑 詔降死一等處之遠流 十
七日壬辰以信濃國伊那郡觀音寺為天台別院
廿二日丁酉授大和國正六位上統神紀伊國
正六位上王出嶋神並從五位下 廿八日癸卯
除目三人 十一月乙巳朔陰陽寮奉進明年御
曆例也 天皇不御紫宸殿付內侍所 九日癸

丑下知左右京職山城國司減定材木直車賃人
功等數從四位下行大和守坂上大宿祢瀧守卒
瀧守者右京人從四位下鷹養孫而正六位上氏
勝之子也幼好武藝便習弓馬尤善步射坂氏之
先世傳將種瀧守韓畧不墜家風承和十年年十
九歲起家為左近衛將曹步騎兼射供奉節會仁
壽之初轉將監齊衡四年授從五位下天安二年
除左馬助數月遷伯耆介未幾遷為駿河介貞觀
二年為山城介四年拜右兵衛權佐八年加從五

位上遷右近衛少將同月兼阿波介十一年十二月出為太宰權少貳右近衛少將如故是歲新羅海賊掠奪太宰貢綿勅遣瀧守備之後拒兼宰警團十四年改權少貳為正十六年遷左近衛權少將十八年增正五位下明年兼近江介元慶三年授從四位下遷陸奥守不之官四年出為大和守卒年五十七次陸奥國安積郡弘隆寺為天台別院 十二日丙辰遷散位從五位上大中臣有本等奉幣於太神宮發自神祇官諒闇也 十四

日戊午授讚岐國從五位下天河神從五位上正六位上船山神萬農池神並從五位下大和國正六位上子嶋神從五位下 十七日辛酉前出羽督師從八位上秦忌才能仁叙外從五位下元慶二年國遭賊亂能仁以私穀助軍糧也 十八日壬戌雨雪 十九日癸亥雪猶未止 勅賜六府少將佐已下見在陣座及五位已上在侍從所者綿各有差外記內記亦預之慶新雪廿二日丙寅鎮魂祭如常大藏卿正四位下基兄王卒云云

基兄王者三品葛井親王長子也年五十八廿
三日丁卯新嘗祭所司供祭如常公卿以下諸衛
府舍人已上不上但供奉神事諸司七十二人卜
食着青摺移神祇官三十二人縫殿寮四人宮内
省二人主殿寮五人大收寮二人掃部寮七人大
膳職一人内膳司八人造酒司二人采女司二人
主水司六人内侍司一人准掾永和七九兩年諒
闇之例也廿四日戊辰停豐樂之宴供祭所司
向宮内省解齋如常廿六日庚午皇太后奉為

太上天皇於深殿宮設周忌御齋會延諸大寺高
僧講法華經限五日訖親王公卿及五位已上畢
會召集京中貧窮者於鴨河邊賑給之廿七日
辛未勅勘解由使者書生二人加置史生二員
廿九日癸酉參議正四位下行右衛門督兼讚
岐守源朝臣舒卒云云嵯峨太上天皇之孫從
四位杜明之長子云云年五十一十二月乙亥朔
四日戊寅清和院奉為先太上天皇於圓覺
寺設周忌御齋會供養一切經太上天皇在祚

之日所書寫也王公朱紫傾都會集五日巳卯
尾張國中嶋郡從五位下行丹波介卜部宿祢平
麻呂卒平麻呂者伊豆國人也幼而習龜卜之道
為神祇官之卜部揚火作龜決義疑多効承和之
初遣使聘唐平麻呂以善卜術備於使部使還之
後為神祇大史嘉祥三年轉少祐齊衡四年授外
從五位下天安二年拜權大祐兼為宮主貞觀八
年遷叅河權介十年授從五位下累歷備後丹波
介卒年七十五 七日辛巳禁斷諸司諸寺諸院

諸家徵物使等究勘諸國貢調綱領郡司雜任

八日壬午地震夜有如狼聲吠於太政官曹司廳
十日甲申神祇官奏御體卜事例也 十一日

乙酉月次神會食於神祇官行事所司供奉如常
是日遣使於伊勢太神宮奉幣告以 天皇明年

正月可加元服也告文曰 天皇我詔肯正掛畏
岐伊勢乃五十鈴乃河上今坐皇太神乃廣前

恐美恐申久今年天皇我御年十四歲今成賜
此公卿等議奏久加冠之事汝世間乃所重自古

行味礼有其時宜來春正月乃吉日良辰奉加
元服天人望叶倍之奏世利掛畏岐皇太神乃厚
護依者平介安介果行比長保寶位年止之王
武藏權守從五位上弘道王中臣從五位下行神
祇少副大中臣朝臣常道手差使天忌部蔭子正
七位上齊部宿祢季長加弱肩介太手綴取懸天
礼代乃大幣帛手持齊利令捧持天奉出須此狀
手平介聞食天天皇朝庭手常盤堅磐介天地日
月止共介夜護書護介助幸倍賜比天下國家手

平介事故无又矜助護給倍恐美恐美申賜比申
淳和院永置公卿別當先是无品恒貞親王奏言
云云 十三日丁亥除目四人 十九日癸巳於
清凉殿修佛名懺悔限以三日近江國百姓戶主
正六位上永野忌寸真雄弟三人男四人孫二人
戶主從八位上永野忌寸春貞弟從父弟姪男三
人戶主右兵衛從六位下永野忌寸福成兄一人
男四人姪男二人合二十三人還隸左京職真雄
等向官披訴祖父石友親父長歲承和四年二月

十七日改近江國野洲郡本居被貫左京五條三坊石友長歲等須子孫真雄等由載官符而偏憑父子不別籍脫漏不載雖然注着計帳每年進藏既歷三十五年而依穴大浦吉告訢元慶三年九月四日返附近江本籍望請尋實貫於本職許之廿七日辛丑分遣使者於山階深草田邑山陵告以天皇可加元服告文曰 天皇恐美恐美掛畏岐山階山陵申賜申久公卿等議奏良久加冠之事礼有其時来年正月奉加元服

且叶人望止奏利世掛畏岐山陵乃助賜比慈賜命依之平久安久果行比天地日月止共命宝位乎護供奉奈毛思食配此狀乎正三位行中納言兼右近衛大將皇太后宮大夫陸奥出羽按察使藤原朝臣良世侍從從四位下雅望王乎差使天恐美恐毛申賜止波久奏深草田邑山陵告文准此又告水尾山先太上天皇山陵告文曰 天皇恐美恐毛掛畏岐水尾山陵申賜止倍申久公卿等議奏世良加冠之事礼有其時来年正月奉加

元服天宜可不望止奏世掛畏岐山陵助給比慈

給比依之天平介安介果行比天地日月止共少宝

位乎護供奉年止思食留此狀乎叅議左大辨從

四位上兼行播磨守藤原朝臣山蔭内藏權頭從

四位上長岑朝臣晨直乎差使天恐美恐毛申賜

此後必奏是日奉獻諸山陵墓荷前幣如常公卿於

建礼門前行事廿八日壬寅授伊豫國正四位

上野間神天皇神從三位信濃國正六位上槻井

泉神從五位下日本三代實錄卷第四十終



